



31. oktober 2018

UKA2018/163

Naalackersuisut nunatsinni eqqumiitsuliortut atorsinnaasaannik eqqumiitsuliortut suliffiannik pilersitsisinnaanermi pitsaaqutinik pitsaanqequtinillu imaqartumik suliniummut pilersaarummik suliaqaqqullugit, suliniummullu pilersaarut kingusinnerpaamik UPA2020imi Inatsisartunut aguaanneqassasoq, pilersitsinermilu ingerlatsinermilu aningaasaqarnermut allanullu tunngasunik misissueqqissaanermik imaqaassalluni. Tamatuma saniatigut Naalackersuisut eqqumiitsulioriaatsit sorliit sullivimmuut taamaattumut periarfissaqarnermik iluaquteqassanerat pillugit kaammattuuteqarnissaannik tunngasunik Inatsisartuni aalajannigiffigisassatut siunnersuut.

(Aleqa Hammond, Nunatta Qitornai)

Aqqaluaq B Egede IA-meersoq siunnersuuteqarpoq naalackersuisunut suliaqaqqusilluni kulturikkut suliaqartunut illorsuarmik sannaviusumik, nipilersorfiusumik, sungiusarfiusumik aammalu immius-siviusinnaasumik pilersitsinissaannut pilersaarusiussasut aningaasartuutigiumaagassaannillu misissueqqissaqqusillutik.

Siullermik siunnersuuteqartoq ugguuna isumaqatigaarput kulturimik suliaqartortavut tamarmik pitsaasunik ullumikkornit atugaqarnerunissaat tamatta soqutigalugu pingaartinnerulluni inissimasariaqartugut.

Pitsaanerusumik ataqqinartumillu atugassaqartitsissasugut nunaqqatitsinnut tamanut aamma tamani.

Siunnersuuteqartut illorsuaq pivaa, tassuunalu siunnersuuteqarnermi illoqarfimmi ataatsimi inissimanissaannaatigulluunniit nipeqartumi illoqarfiit allat toqqaannartumik atuisuusinnaanissaannik mattussereerpoq.

Siunnersuuteqartup illorsuassamaajusumut takorluugaani atuarsinnaavara makkuunerusut taak-kartorpai tumerparpaartartut, qalipaasartut, immissiumasut, sanaluttartut aammalu assigisai. Eqqaanngilai atisatta assuutit suliarineri, piniarnikkut kulturperput aammalu qangaanerusut kingornussarsiaavut eriagisariaqartut allat.

Kulturimik ingerlatsinermi ataqatigiissumik politikkeqarnissaq pisariaqarpoq, toqqaannartumillu illorsualiornikkut tamanna ataqatigiissumik inerneqartitsisinnaanngitsoq isumaqarpugut.

Takornariaqarnikkut nittarsaassinerit tammajuitsussakkuinnaq nittarsaassinerunngilaq. Atisatta kusarnartorsuit atorlugit takutitsisarnerit uummaarissumik kulturitsinnik misigititsiviusoq,

Nunatta Qitornai

Inatsisartuni



kusanartuliortortatta sannaviini tamanit ornigarfigineqarsinnaallutillu pisiffigineqarsinnaasut amerlanerusariaqarput, atortussatigut piffinni siuarsaasariaqarput, kulturi digitalisereriartortumi nipi-lersortartutsinnut unamminartut qaangerniarnerini sulisariaqarput. Aliikcutassaqaqtitsinerit cafe-nilu saqqumilaarnerit amerlisartariaqarpavut, saqqummersitsinerit sumiluunniit tamaniittut amerlanerusariaqarput, piffinni assigiinngitsuni pikkorissaasariaqarput, niueriaatsikkut sullissisinaanikkut annertusaasariaqarput allarpassuartigullu nunatsinni isorartuumi peqataatitsiffiusumik periuseqartariaqarput ataqatigiissarsimasumik. Nunaqqatitta tamaavimmik iluaqutigisinaasaannik, piffimmi ataasiinnaangitsumi.

Naalackersuisut akissuteqaateqarnerminni ullumikkut EPI (Pinngorartitsinikkut Pinngorartitsisut Ingerlatsisullu) aqcutigalugu aningaasaliinerit peqatigiiffiillu kattuffiit soorlu KIMIK, sannaviit aammalu tips aamma lottokkut aningaasaliineratigut periarfissat arlariissuit pioreersut siunnersuuteqartup siunertarisaanut atugassatigut aqcutissaqartut innersuuppai, tamannalu tusaatisatut tiguarput.

Kulturimik ataqqinneqaagut, kulturimik tunngaveqarluta perortuuvugut, kinaassutsitsinnik ataqqinnittuuvugut aammalu kulturerput illersorniarlugu sulissuugut tamaviaarluta,. Siunnersuutigineqartutulli taamatut aqcuteqarnissamik illersuinissaq aqcutissaasorinngilarput.

Tamakku tunngavilersuutigalugit siunnersuut itigartipparput.